

sanjvwnz

Caenndang Ginglig Gvaq Cij Rox

必得亲历才能明白

□ Lungz Dungh

Mbangj saeh mbangj leix gag caj nanz ndaej roxyiuj, yaekaeu caenndang ginglig gvaq cij rox.

Aicingz cungj dwg ndij gak cungj leih’ ik、gvanhaeh doxngaeu, gwnzbiengz mbouj miz saek yiengh gamjcingz seuqcingh, hoeng, dingzlai vunz youq gwnzbiengz cungj gag ra ndaej faenh aicingz bonjfaenh, neix dwg aenvih, moix boux vunz cungj mizmbangj vuzciz sihyau, swhgeij mbouj seuqcingh, hix couh mbouj caiq yauhgiuz bouxwnq siengjap seuqcingh.

Beixnuengx ndawde seiziq caen lumj fwngz caeuq din, hoeng, hung le, couh gak boux gag an’ gya lo, daj mbouj caemhdoih gwn rek haeux ndeu hwnj, couh menhmenh liz gyae lo. Daegbied dwg ginghci suijbingz roxnaeuz sevei diegvih ca haujlai, caen dwg yied daeuj yied mbouj miz vah doxgangj, daengz miz ngoenz ndeu, lienz swhgeij hix saenq mbouj ndaej, bide, geiq ndaej ndij bouxvunz yienghde caemh youq, doxgyaez lumj fwngz caeuq din.

Bohmeh caeuq lwg yingjyangj gizsaed hix miz hanhhaed, boux vunz ndeu cungj siengj yawjraen gij doxgaiq swhgeij siengj yawjraen haenx, hix cungj dwg ganjgyoz ndaw dungx swhgeij cij miz huq. Ndaw ranz doxlumj, gak boux singqcingz mbouj doxdoengz, neix cungj dwg gak boux gag lienh ndaej okdaeuj.

Deng gwnvi, ceiqndei bouxlawz hix mbouj lwnh, boux dog gag nyaenx youq. Nyaenx mbouj ndaej seiz, ndij baengzyoux roxnaeuz vunzcaen gangj, ndawsim couh cwxcaih haujlai, hoeng, cungj miz saekseiz mwngz yaek ienqhoij, gawqyienz byawz hix bang mbouj ndaej byawz, youh hozbiet hawj gyoengqde yawjsiuj ne?

Gwnzbiengz miz haujlai saeh mbouj goengbingz、mbouj goengcingq、mbouj gyaunde, hoeng, aeu gvaq ndei moix ngoenz, mienhdoiq moix boux vunz, aenvih mwngz mbouj siengj riu, bouxwnq engqgya mbouj hawj mwngz riu ndaej ok bak. Danghnaeuz vunz caeuq vunz gvanhaeh maqmuengh sang lai, mwngz itdingh rox saetmuengh, hoeng, mwngz ciengxlwenx hix ciengeiz gaej naeuz mbouj miz muengh, vunz youq gwnzbiengz, cungj miz di raeuj he caeuq di ndei he caj mwngz bae fatyienh.

Mwngz gangjnaeuz mwngz geq lo rox louzlienx seizcoz, saedcaih mwngz di ndeu caemh mbouj louzlienx ngoenzlwenz, aenvih mbouj miz ngoenzlwenz naengz hawj mwngz ngeixdauq gij ndei, baenzneix, mwngz yawj dauq baihlaeng, mboujyawx yawj bae coh baihnaj, cijaeu mwngz lij lix, ngoenzcog couh lij miz haujlai haujlai gojnwngz ne!

Youq Lungzanh, de ndaej rox Nazdungz Gunghse gihbwnj guh daengz gij suijbingz gyawj it vunz it moux nazbaujraemx, vunz miz 800 gaen haeux le, gig angq. De iugouz ndaw yienh gidij bang aen gunghse neix guh ndei gviveg, caenhvaiq saedyienh aen muzbyauh neix, aeu neix daeuj daiqdoengh daengx yienh roengzrengz byaij bae coh aen muzbyauh neix. De naeuz: “Gak dieg swhyienz diuzgienh caeuq fazcanj suijbingz mbouj doxdoengz, saedyienh aen muzbyauh neix ndaej miz gonq miz laeng. Gvanhgen dwg it boux vunz it moux nazbaujraemx, guh baenz diuz neix le, vunzvunz miz 800 gaen haeux cix mbouj nanz guh daengz lo.” De lij naeuz: “Couhsuenq guh baenz vunzvunz cungj ndaej 800 gaen haeux le, lij mbouj ndaej gangjmingz haeuxgwn raeuz gaenq gvaqgvan lo, hoeng ndwenngoenz Guengjsae ne dwg ndei gvaq di lo, raeuz cix ndaej engqgya simsoeng bae fazcanj gunghyez、doenghgo dajgai caeuq gij hong wnq lo.”

Lwg Dog Ganq Ndei Caemh Vuenyungz

独生子女也幸福

□ Luj Sauh

Dwen daengz seizneix mbauq lajmbanj
Ganj gvaq ciuhgeq geijlai boix
Bi’ ndwen iqet nangzbawx oiq
Baenz sueng baenz doiq gvaq ndwenngoenz

Boh iq meh nomj lwg caemh oiq
Laeng boiq hwet goz cengqgengz guh
Hongnaz hongreih ciengzseiz nguh
Vaqbuh rengqret heiz ndaemngaeuz

Mwngz naeuz geizgvaiq mbouj geizgvaiq
Caengz mai mbawcingq couh dungx bongz
Ngamq rim ngeihcib lwg baenz sueng
Maqmuengh ranz hwng caeux vuenyungz

Guekgya faplwd gaej raegrwz
Ciuseng hwzhu gag boihseiz
Fadcienz cixbah caiq youheiq
Raemxmeiq yub haeux nanz roengz dungx

Gva caengz ruenz gaeu couh mbaet gwn
Caengz humx suen ndei sien ndaem haeux
Boux sai seiqcib couh baenz baeuq
Mehmbwk samgouj couh baenz yah

Ndaw ranz vunz noix ndei gvaqcieng
Gaenxgiemh gwn ndei gyaranz vuengh
Lwg dog ganq ndei caemh vuenyungz
Haisim soengyungz bongh siujganh

goisaeb iq

Ndaenghaenz

鼻炎

Lauj Cangh dwg boux lauxsae aen hagdangz gyauhgi he. Youq ndaw hagdangz de, ca mbouj lai cienzbouh dwg lauxsae mbwk coz, byawz hix mbouj siengj bae guh gij hong cungswiq diengzhaex haeunyaeng haenx. Lauj Cangh naeuz: “Gou daeuj cungswiq ba, fanjcingq gou daj iq couh baenz ndaenghaenz lo, nyouq haex mbouj raen haeu.” Baez guh, couh guh baenz cib lai bi. Lauj Cangh hix mbouj ndaej lai saek faen ngaenzhong, byawz hix mbouj laihnaeuz doiq de miz maz mbouj ngamj, bouxboux cungj nyinhnaeuz, lauj Cangh ndaeng mbouj ndei, wnggai guh cungj hong cungswiq diengzhaex neix. Haet seizdoeng nityuyu ndeu, lauj Cangh ciuqyiengh hwnq romh, de bae daemh haeuj bak dourug song dah lauxsae bae, baez boux baez boux got dawz dah lauxsae lij daenj buhninz

caemhcai liq maezgae okdaeuj …… Gvaqlaeng canghyw naeuz, danghnaeuz daeuj ceiz 20 faen cung, song dah lauxsae neix lauheiq couh mbouj miz mingh lo. Yaucangj ngeizvae lo, lauj Cangh nyouq ndaej ok meizgi ha? Lauj Cangh fwt riu, hix mbouj guhsing. Daj baezneix hwnj, gyoengqvunz ciengzseiz raen lauj Cangh gongzhwet cungswiq diengzhaex……



Byaronghdwen Mbanjcuengh.

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisii Cioz Siengzcoub Liuz Giongliuj Cioz Siengzzen boiz

Bi 1972 ndwen 1, Veiz Gozcingh youq baez hoih gozda vei yi Swcigih Gwzveijvei 6 baez vei yi gwnzde youhcai q giengzdih, yaek aeu miz giva miz yamqdin dwk anbaiz vunzughhong, haenq guh hong nungzdenz gihbwnj gensez. Aeu ciengznienz guh, seiz hongnyaengq noix guh, seizhoengq haenq guh. Itdingh aeu youq 3–4 bi ndawde guh ok cingzcik engq hung daeuj, gajbienq gij yienghcej doeklaeng hong hwnjguh nungzdenz gihbwnj gensez. De iugouz gak dieg youq baujcwn g haeuxgwn demcanj aen cenzdiz neix lajde, cizgiz guh lai cungj

ginghyingz, ceng ndaej gak cungj doenghgo ndaemgai ndaej daihfukdoh demmaj, hawj ndoengfaex、langh doihduz、fusizbinj、ciengx bya ndaej daengz cienzmienh fazcanj. De dizcang dawz seizdoeng dangguh swnghcanj aen geiqciet ndeu daeuj ca, cugbouh guh daengz yungh 1/3 naz ndaem byaekyouzcai、1/3 ndaem gofoed caeuq gij doenghgo dajgai gvaq doeng wnq, 1/3 guh genglaeg gajnamh、cae dak gvaq doeng.

Swcigih Gwzveijvei laebbaenz le, caenhguenj deihfueg caizcwn g ngaenz gaenjcieng, hoeng ciuqyiengh dawz ok daihliengh ngaenz bae guh

nungzdenz gihbwnj gensez. Caiq gyahwnj guekgya bang ngaenz dem, gij ngaenz daengx gih roengz youq aen fuengmienh neix, bi 1969 dwg 9600 fanh maenz. Gvaqlaeng bi doek bi demlai, bi 1975 dabdaengz 1.55 ik maenz. Binaengz doengcin, cungj miz geij bak fanh vunzughhong bae guh nungzdenz gihbwnj gensez. Bi 1974 seizdoeng mwh ceiq hoengh miz caet bet bak fanh vunz bae guh, giz cungdenj sihgung h miz 3.6 fanh giz. Bingzseiz, lij miz aen conhyezdui cib lai ngeihcib fanh vunz ndeu, genheiz baenzbi youq dieghong guh hong.

(caengz sat)